

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Peter Haarers Beschreibung des Bauernkriegs 1525

Harer, Peter

Halle, 1881

Beilage

[urn:nbn:de:bsz:31-326211](https://nbn-resolving.org/urn:nbn:de:bsz:31-326211)

Beilage.

Flugschriftliches zur Schlacht bei Frankenhausen.

Die Histori Tho|me Münzers, des anfangers der
Dörin|gischen vffruer, seer nützlich zulesen. ||||| Ha-
genaw, durch Johannem | Secerium Getruckt. ¹⁾

[a²] Der radt zu Nurenberg iagt yhn [Münzer] zeitlich
aus der stat, da went er sich, vnd zog wider ynn Doringen gen
Mulhausen, denn dieweyl er zu Alstedt gewesen war, het
er etlich freuelich buben son Mulhausen an sich gezogen,
dieselbige machten yhm raum ynn der stat, vnd kuntschafft
also das yhn die gemeyn zu eym prediger annam.

Dawider aber legt sich der radt, da hub Thomas sein
[e⁴] an, vnd treyb den Böfel fürderlich darzu, den rat als
vnchristlich abzusehen, ein neuen christenlichen rat zu welen
die yhm seyns predigen gestatten, Solches geschah vnd
wurden die erbern leut des radts entsetzt, etlich auch aus
der stat veriaht.

Dis war der anfang des neuen christlichen regiments
darnach stießen sie die Munch vß, namen der closter vnd
stift gutter eyn, Da haben die Johanniter ein hoff ge-
habt vnd grosse rendt, den selben hoff nam Thomas eyn.

Vnd das er ynn allen spilen wer, gieng er auch mit
zu rat, vnnnd gab für, recht zusprechen muß durch offens-
barung von Got, vnd durch die Bibel geschehen, also was
yhm gefiel, sprach man zu recht, vnd hielt mans als sun-
derlich Gots befehl.

¹⁾ Abgedruckt in Luthers Werken (Wittenberg. II. 402 ff.;
Halle XVII. 190 2c.).

Er leret auch das alle guter gemeyn solten sein, wie in Actis Apostolorum geschriben steet, das sie die guter zusamen gethon haben, Da mit macht er den Voffel so mutwillig, das sie nicht mer arbeiten wolten, sunder wo eym korn oder tuch von notten war, gieng er zu eym reichen, wo er wolt, forderts aus christlichem rechten, dann Christus wolt, man solte teylen mit den durfftigen, Wo dan ein reicher nicht willig gab was man fordert, name man es yhm mit gewalt, diß geschah von vielen, auch theten es die so bey Thoma woneten ym Johanniter hoff, solch-en mutwillen treyb Thomas, vnnnd meret teglich, vnnnd trowet allen fursten yn der nachpurschafft das er sie wolt demuetigen.

Diß trib er fast ein iar lang, biß ynn das M. D. xrv. iar, da die Baurerschaft ynn Schwaben vnd Francken sich erregt, dann Thomas so ture nicht war, das er ein lermen het angefangen, wie wol er sagt, Got hets yhm beuolhen, biß das er verhofft er wurd ein rucken haben an [e²] der außlendische Baurerschaft, denn ynn Francken mer dann xl. tausent man zu feld lagen ynn dreyen hauffen, hetten die Edelent veriaht, schier alle Schloffer verbrent vnd geblundert.

Do meynt Thomas er wolt das stundlyu treffen, die Fursten weren erschrocken, der Adel veriaht, die Baurn wurden das feld behalten, vnd wolt auch ym spil sein, vnd sein reformation ansahen, vnd ließ sich horen ynn predigen die zeit wer komen, er wolt schier zu feld ziehen, goß buchsen ym Parsuffter kor, es louffen auch das laandtvolck mit hauffen gen Mulhausen, wolten all reich werden.

Er het ein prediger bey yhm der hieß Pfeiffer, ein ausgelauffner Munch, seer gut zum spil, freuel vnd mutwillig, der wolt ye den ersten angriff thon, vnd gab fur, er het ein gesicht gehabt, daraus er mercket das Got yhn fordert furt zu faren, er het ein traum gehabt, wie er wer yn einem stal gewesen, vnnnd vil meuß gesehen, die het er alle veriaht, darmit meynet er, het yhm Got angezeigt er solt aufziehen vnd allen Adel veriahen.

Vnd do Thomas vß forcht nit wolt vergunnen noch zu ziehen, ward er seer mit Thoma zweytrechtig, trowet

hyn hefftig, er wolt hyn vertreiben, wo er hyn nit ziehen ließ vnd ym das volck abschreckt, dann thoma wolt den angriff nit thon, er wer dann starck gnug, vnd nit vß der stat komen, es hetten sich dan vorhin die bauern allenthalb hyn der nachbaurtschaft erregt. Darauff schryb er dem Berckvolck zu Manßfeld ein seer teuффelischen brieff, das sie solten vß die fursten schlagen wie vß den anbos Nemroth Bynd Bandt, er hoffte auch es solten die Trenchischen Baurn neher gegen Düringen rucken.

Pfeffer zog vß yns Gysfelt, plundert Schloffer vnd kirchen, veriagt vnd steng die Edeln, kam heym, bracht [k¹] vil raubs, da ward der gemeyn Böffel beyßig, die weyls gluckt het, In dem erregten sich die Baurn zu Franckenhusen, nit weyt von Mulhusen gelegen, sie fielen auch yn die Graffschafft Manßfeld vnnnd Stolberg, brachen vnd plunderten die Schloffer.

Do zog Thomas auß, denn er meynt es wer nun das ganz land der fursten abgefallen, vnd zog gen Franckenhusen mit drey hundert Buben von Mulhausen, vnd ward der Böffel yn allen stetten wegig, Vnd wie wol die Sechsische Fursten sich rusten den Bauern zuweren, vnd der Lantgraff von Hessen, vnd die Herzogen von Brunswyg vff waren den lermen zustrillen, doch hetten sie schier das spil versäumt, wo nit bald die baurn erschreckt wern worden, das sie sich auch seumten, vnnnd nicht furt zogen, die stet eynzunemen.

Es fiel aber ein schreck yn die Baurn vß der ursach, do sich die Graffschafft Manßfelt emport het, vnd darumb alle Graffschafft die dran stossen, macht sich Graff Albrecht vff mit sechzig pferden, vnd erstach zwey hundert do erschracken die baurn, vnd zogen nit furt, sunder louffen all gen Franckenhusen, da zu warten biß der hauffe grosser wurde, vnnnd verzogen do, biß das die Fursten auch zusamenkamen.

Also zogen die Fursten Herzog Johans zu Sachsen geschickten, Herzog Georg zu Sachsen, Lanndtgraff Philips zu Hessen, vnd herzog Henrich von Brunswyg wider die baurn mit funffzehnhundert pferden, vnd nit vil fußvolck, Es hetten aber die Baurn yhr wagenburg geschlagen vff

einen berg bey Franckenhufen, das man nicht wol zu yhn mocht mit den reysigen, doch hetten sie nicht vil geschutz, vnd harnisch, vnd waren ganz vngeschickt vnd vngerust.

[f²] Solches sahen die Fursten, vnd erbarmeten sich der toechten elenden leut, vnd namen handlung fur, sie abzumachen, vnd schickten zu yhn, das sie abzogen, vnd vberantworteten die Hauptleut vnd anfenger des lermens, Die armen leut waren erschrocken, vnd weren wol zuweisen gewesen, aber der Teuffel wolt sein mutwillen anrichten durch thoma, der trib den Thomam das er sie vermanet zubleiben, vnd sich zu weren, darumb trat er auff vnd redet also.

Lieben Bruder, Ir sehent das die Tyrannen unsere feynd da seynd, vnd vnderstehen sich vns zuerwurgen, vnd sind doch so forchtsam, das sie vns nicht durffen angreiffen, vnd fordern das yhr solt abziehen, solt die anfenger diser sach vberantworten, Nun lieben Bruder, yhr wißt das ich solch sach aus Gottes beuelh hab angefangen vnd nicht aus ehgnem furnemen oder kunheit, denn ich kein kriegler mein tag nie gewesen bin, dweyl aber Gott mir muntlich gebotten hat aus zuziehen, bin ich schuldig vnd yhr alle, da zubleiben vnd des ends zu warten, Es gebote Got Abraham seinen son zu opffern, nun wißt Abraham nicht wie es geen solt, dennoch volgt er Got, vnd sure furt, wolt das frum kind opffern vnd todten, Da errettet Got Isaac, vnd behielt yhn beyhm leben. Also auch wir, dweyl wir beuelh von Got haben, sollen wir des ends warten, vnd Got lassen fur vns sorgen. Daruber aber hab ich nicht zweyffel, es werde wol geratten, vnd wir werden disen hewtigen tag Gottes hilff sehen, vnd unsere feynd alle vertilgen, denn Got spricht oft ym der schrift er wolle den armen, den fromen helfen, vnd die gotlosen anstrotten, Nun synd wir yhe die armen, vnd die Gott sein wort begern zuerhalten, darumb sollen wir nit zweyfelh, es wirt gluck auff vnser seyhten sein, Was synd aber [g¹] die Fursten? sie synd nichts den Tyrannen, schinden die leut, vnser blut vnd schweys verthun sie mit hoffirn, mit vnnuzen bracht, mit hurn vnd buben, Es hat Got geboten ym Deuteronomio, es sol der kunig nicht vil pferdt

bey sich haben, vnd ein grossen bracht furen, auch soll ein
 kunig das gesatzbuch ynn henden teglich haben, Was thun
 aber vnser fursten? sie nemen sich des regiments nicht
 an, horen die armen leut nicht, sprechen nicht recht, halten
 die straffen nicht reyn, weren nicht mord vnd raub, straffen
 kein freuel vnd mutwill, vertheydingen nicht witten vnd
 weysen, helffen nit den armen zu recht, schaffen nicht das
 die iugent recht erzogen wurde zu guten sitten, fordern
 nicht Gots dienst, so doch ymb solcher ursach willen Got
 oberkeit eyngesezt hat, sunder verderben allein die armen
 ye mer vnd mer mit newen beschwerden, brauchen yhre
 macht nicht zu erhaltung fridens, sonder zu eygenem trutz,
 das yhe einer seym nachpuren stark genug sey, verderben
 land vnd leut mit vnnotigem kriegen, rauben, brennen,
 morden, das synd die furstlichen tugent damit sie yhund
 ymbgen, Ir solt nicht gedencken, das got lenger solchs
 leiden wolle, denn wie er die Cananeos vertilget hat, so
 wirt er auch diese fursten vertilgen. Vnd ob schon solchs
 zuleiden were, so kan doch Got das nicht leiden, das sie
 den falschen Gotsdienst der Pfaffen vnd Munch verthey-
 dingen wollen, wer weis nicht was greulicher abgotterey
 geschicht mit dem kauffen vnd verkauffen ynn der Messe,
 wie Christus die kremer aus dem tempel stiesse, so wirt er
 dise Pfaffen vnd was an yhn hanget verderben, vnd wie
 Got Phinees gelobet hat, das er die hurerey mit Cosbi
 strafft, so wirt vns Got gluck geben, der Pfaffen hurerey
 zu straffen. Darumb seyt getrost, vnd thut Got den dienst,
 vnd vertilget diese vntuchtige [g²] oberkeit, Dann was
 hilffs, ob wir schon friden machten mit yhnen, denn sie
 wellen doch furt faren, vns nicht frey lassen, treiben vns
 zu Abgotterey, nun synd wir schuldig lieber zusterben, denn
 ynn yhre Abgotterey zuerwilligen. Es were yhe besser
 das wir Merterer wurden, denn das wir leiden, das vns
 das Euangelion enzogen werd, vnd wir zu der Pfaffen
 mißbreuche getrungen werden. Daruber weis ich gewislich,
 das Got vns helffen wirt, vnd vns sig geben, denn er hat
 mir mundtlich solchs zugesagt vnd beuolhen, das ich alle
 stend soll reformiren, Es ist nicht wunder das Got wenigen
 vnd yngerusten leuten sig gebe, wider vil tusend, denn

Gedeo mit wenig leuten, Jonathas mit seym einigen knaben, vil tausent geschlagen haben, David vngerust, den grossen Goliath vmbacht, Also hab ich nicht zweyffel, es werd hekund der gleychen geschehen, das wir wie wol vngerust werden obligen, es mußt sich ehe himel vnd erden endern, dann wir verlassen solten werden, wie sich das mehrs natur endert auff das hilff den Israelischen geschach, do yhn Pharao nach eylet, Laßt euch nicht erschrecken das schwach fleisch, vnd grehfft die feynd kunlich an, dorfft das geschuß nicht forchten, dann yhr solt sehen, das ich alle buchsenstein yn ermel fassen will, die sie gegen vns schiessen, Ja yhr sehent das Got vff vnser seyten ist, denn er gibt vns hekund ein zeichen, sehet yhr nicht den Regenbogen am himel, der bedeut das Got vns die wir den Regenbogen ym panir furen, helffen will, vnd trewt den mordrischen Fursten gericht vnd straffe, Darumb seyt vnerschrocken, vnd troestet euch gotlicher hilff, vnd stelt euch zur were, es wil got nicht das yhr Frid mit den gotlosen Fursten machet.

So Thomas außgeredt het, war der merer teil entsetzet, wer gern dauon gewesen, vnd sahen wol, das das [h!] wasser vber die korb geen wolt, es was aber kein ordnung vnd kein regiment, das man hette rat gehalten, was man thon solt, Auch waren etkliche mutwillig buben, die lust hetten zusechten, vnd yhn selbs vngluck anzurichten, die dweyl sie gleichen geist hetten, fielen sie Thome zu, vnd nicht allein von der rede Thome wutend wurden, sunder es bewegt sie vielmer der Regenbog der erschn da Thomas redet, denn dweyl sie ein Regenbogen ynn hren senlyn furten, meynten sie Got het yhn ein zeichen geben des sigs, Auch was der hauff zimlich gross, vnd lag wol, das sie meynten sie wolten den Fursten starck gnug sein, dann es was der Bauren vmb die acht tausend, vnd schryen also etlich buben, man solt sich zur were stellen, vnd huben an zusingen das gesang, Veni sancte spiritus.

Also wart den Fursten kein antwort vff yhr anregen Es hette auch Thomas ein iungen edelman, ein einigen sun eines alten mans gesant mit andern vns leger, etwas zuwerben, erstechen lassen, wider aller welt kriegzwehß,

Solches erzurnet die Fursten vñnd den adel seer, das sie hitzig auff die Bauru wurden, darumb blies man auff, vñnd ordnet den zeug, vñnd der Landtgraff von Hessen, der vñnder den Fursten da selbst der iungst was, ritt vñnd den zeug, vñnd vermanet sie zuretten gemeynen Friden, vñnd redt also.

Lieben Freundt, Ir sehet die armen leut vor euch, wider die yhr gefurt seht, yhrem ungehorsam vñnd frenel zu weren, Nun hat die Fursten erbarmet yres elends, vñnd haben wir mit ynen lassen handeln, das sie abzogen, sich ergeben, vñnd die hauptleut vberantworten, Auff solches geben sie kein antwort, vñnd rusten sich zuschlagen, so fordert es die gros not da gegen, das wir vñns weren, Darumb verman ich euch, das yr sie ritterlich angreiff, vñnd [h²] den trewlosen boswichten vñnd mordern weret. Es hatt der Teuffel die leut so geblendet, das sie yhn nicht wollen radten oder helfen lassen, Denn wie wol sie grosse klage vber die Fursten furen, dennoch ist kein vrsach vff erden gnugsam, auffrur zuerregen, vñnd gewalt wider Oberkeit furnemen, Denn es ist ein seer ernst gebot Gottes die oberkeit eern vñnd furchten, darob Got also gehalten hat das vffrur nie ungestraft bliben ist, Denn Paulus sagt Wer der oberkeit widerstrebt, wird gestraft, denn oberkeit ist geordnet von Got, darumb helt Got also droh, das sie kein creatur kan zerreyssen, Wie Gots ordnung ist, dz tag vñnd nacht wirt, vñnd mag kein mensch die sonnen von himel reissen, tag vñnd nacht weg nemen, Also wirt weder teuffel, noch des teuffels Apostel die Muncherischen bauren, wider geordnete oberkeit gluck haben. Ich rede solchs nicht darumb das ich mich, als ein Furst, schmucke, vñnd der Bauren sache arg mache, sunder es ist die ganz warheit, Ich weys wol, das wir oft strefflich synd, denn wir menschen synd, vñnd vñns oft vergreyssen, dennoch soll man darumb nicht auffrur anrichten, Es gebent Gott oberkeit zu eren, dann aber soll man sie furnemlich eren, wan sie eer furnemlich bedarff, nun bedarff oberkeit dann am meisten ere, wan sie geschmecht wirt, villeicht auch gefelt hat, so sollen vñnderthon sollich schmach der Oberkeit helfen tragen, zu eren bringen vñnd decken, wie Sem den blossen

Noe decket, das man hyn Friden vnd eynikeit bey einander bleiben vnd leben muge. Was thun aber dise trewlosen Boswichte? sie decken nicht vnser fele, sonder machen sie mer ruchtig, ia liegen auch vil hinzu, Denn es ist ie erdicht vnd erlogen, das wir nit gemeinen landsfriden halten, das wir nicht die gericht bestellen, mord vnd rauberey hyn lendern weren, Denn wir nach vnserm ver[sic]hungen, gestiffen synd fridlich regiment zuerhalten, Nun ist ye gering die burde die die vnterthon an gelt oder zins tragen, gegen der sorg vnd mue die wir tragen, Aber yederman acht sein beschwerden am grosten, was dagegen ander leut leiden, wil niemant ermessen, Die Baurm geben geringe zins, darumb sitzen sie sicher, mugen weib vnd kind erneren, mugen kinder zu zucht vnd eern erziehen, Solch sicherheit zu vnterhalten, werden yhre zins angelegt, sag mir wem kompt der grost nutz draus? den vnterthonen, darumb synd yhre elagen nichtig, Es kan aber nicht alles hyn regiment gungsam außgericht werden? ist war, denn dis ist der welt gemein vngluck, es geredt doch das korn vff dem feld nicht alle iar, darumb fordert Got das man die Oberkeit ere, denn wen Oberkeit nicht selet, so stunde yhr eer nicht hyn far, dweyl sie aber hyn far stet will sie Gott schutzen, vnd hat das gebot gemacht sie zu eren, Sie elagen aber das man yhn nicht gestatten woll das Euangelium zuhoren, dennoch soll man darumb nit vffruer anrichten, denn wie Christus Petro verboten hat zusechten, so sol ein yeder, was er glawbt, verantworten fur sich selbs, will yhn oberkeit drob todten, sol ers leiden, vnd sol nit zum schwert greiffen, vnd ander leut erregen, yhn mit gewalt zuretten, Christus hat ober Petro do er sechten wolt ein erschrocklich vrteil gefelt, das er des tods schuldig sey, Wer das schwert nympt, soll mit dem schwert vmbkomen, spricht Christus, vnd hat sich selb ans creuz hencken lassen, also ist auffruer wider das gebot vnd exempel Christi. Westter so ist am tag das diser Mungler vnd sein anhang nit das Euangelium leret, sonder mord vnd raub, es leftert niemant das Euangelium hoher, denn dise huben, die vnder des heiligen namens schein, allen mutwillen treiben, Das ist yhr Euangelion, den reichen das [i²] yhr nemen, andern weib vnd kind zu schanden machen,

oberkeit weg nemen, das hñ niemand weren mug, Solche grosse schmach des heiligen namens Euangelij lesset Got nicht ungerochen, denn er spricht im andern gebot, das der nicht soll ungestraft bleyben, der Gottes namen mißbrauch, Dweyl nun die Baurñ so gros vnrecht haben, lestern Got, schmechen hñre oberkeit, vñ haben keyn billich ursach des auffrurs, solt hñ sie getrost angreifen als morder, vñnd gemeinen freiden helffen retten, fromen erbarn leuten helffen, ewre weib vñnd kind schutzen wider dise morder, daran thut hñ Got ein gros gefallen, Vñnd wie wol wir den elenden leuten, menschlicher weiß zurichten, stark genug sein, dennoch wolt ich sie nit angreifen, wenn ich nit wist das ich recht thet, Dann Got hat vñs das schwert geben, nicht mord mit zutreiben, sonder mort zu weren, So ich aber weys, das ich recht daran thue, will ich sie helffen straffen, vñnd hab nicht zweyffel, Got werde helffen das wir sigen, dann er spricht, Wer der oberkeit widerstrebt, werde gestraft.

Da der Landtgraff außgeredt het, ruckt man hinzu an die Baurñ, vñnd schoß ab, die armen leut aber die stunden da vñnd sungen, Nun bitten wir den heiligen geist, gleich als wern sie wansinnig, schickten sich weder zur wer noch zur flucht, vil auch trosten sich der grossen zusag Thome, das Got hilff von himel erzeigen wurd, dweyl Thomas gesagt het, er wolt all schuß hñn die ermel fassen, Da man nun zu hñn hñ die wagenburg brach, vñnd sie begund erstechen, da werten sich die elenden leut zu der flucht, der grosser hauff gegen dem flecken Frandenhausen, ettlich auch vff die andern seytken vom berg, vñnd ist kein gegenwere von den Baurñ geschehen, dann ein heufflyn das ym tal vom berg sich zusammen gethon hetten, das weret sich [k¹] ein weil gegen wenig reutern, dann auch der reysig zeug do er sahe das kein far, vñnd gegenwer war, kein ordnung hielt, vñnd sich also von einander gestreuet hetten, an dem ort machten sie ettlich wund, vñnd selten zwen oder drey reysigen.

Do wurden die reysigen mer erzurnet, vñnd erstachen nit allein dis heufflin, sunder was sie hñn der flucht erehlen mochten, vñnd synd todt bliben bey funfftusend man.

[a¹]

Ein gloubwirdig, vnd warhafftig vnderriicht wie die Thoringischen Pauern vor Franckenhawßen vmb hre mißhandlung gestrafft, vnd bey de Stett, Franckenhawßen vnd Wolhawßen erobert worden.

M. D. XXV.

[a²]

Nach dem (wie der weyße Catho saget) vil leuth, vil reden, vnd man eyner heden sache, pflaget entweder aus gunst zu zulegen, oder aus neyd abzubrechen, vnd sonderlich von der schlacht, die izo newlich vnd kومت vor dreyn wochen, vor Franckenhawßen yn Land zu Thoringen ergangen, mancherley geredt wirt. Dann eßlich die der sach recht vnderriicht, sprechen das den Pauern recht geschehen, vnd dz sie den tod wol verschuldet haben. Die andern aber, die der Pauern sach anhengig, vnd inen iren vnchristlichen handel freuel, vnd gotzleserung billichen, die versprechen vnd tabeln die Fursten vnd Herren, so gemelte schlacht gethan, vnd sagen sie solten die Pauern zu gnaden genommen, vnnit also erschlagen vnd erwurget haben. Verhalben vnnit damit die warheit an tag komme, vnnit ein ißlicher vnpartheyischer leser, bey im selbst ermessen mög. Ob die schuld der Fursten, oder der Pauern gewest, ist dis nachuolgend gloubwirdig vnderriicht, ob gemelter schlacht vnd handlung von denen die dabei gewest, alle ding gesehen, gehort vnd zum teyl selbst gehandelt haben, yn die feder angegeben, vnd zu ewiger gedechtnis dis handels yn truck gebracht worden wie nachuolget.

Orßlich nach dem Thomas Monßer weylund, eyn auffrurischer, vorfurischer vnd kezerischer pfaße, von wegen

seyner falschen Lehr, vnd verkerung des heiligen Swangelions vnd Gotes worte, von Zwickaw, von Prage, von Halle, von Alstet, vnd andern orten vertriben, vund sich entlich gen Möhlhausen gewendet, hat er die zu Möhlhausen, vnd ander vnblicgende flecken ym Land zu Dhoringen mit seyner schwermenden geist vnd falscher lehre, dahin geredt, vnd als die, denen (wo sie sust lust zu tanzen haben) [b^l] leichtlich zu pfeffen ist, ouch leichtlich vermocht, das sie allen Gotes dinst, in allen iren kirchen abgeworffen, ire geistlichen Monch vnd Pfaffen ausgetriben, die kirchen beraubet, der heiligen bilder zu stücken gehawen vund das doch christlichen oren erschrecklich zu hören ist, das heylig hochwirdig Sacrament an vil orten an die erden ausgeschütet, mit fuesßen getretten, vnd mit Gots lesterlicher schmach gesaget, Bistu vnser Got, so where dich vnser mit viel andern vnchristlichen, vnmenschlichen, vnd vnheymigen worten, hendeln, herfürung vund verwüstunge vil Clöster Clawen vnd Gotesheuser, darzu mit mord, brand, roub vnd nhome, den sie dermassen getriben, das sie ouch weder der kindtbetterin oder sechswocherin, noch der vnschuldigen kleynen kinder in der wiegen verschonet, Sonder sich auß getz vnd begirde frombder güter he lenger he nher von den Pawern vund Stetten ym Land zu Dhoringen zusammen geschlagen conspirirt, vnd geschworen haben Sich ouch an der geistlichen güter, die sie schier auß allen Clöstern ym Land zu Dhoringen geroubet, vnd vnder sich selbst verpewtet, nit lassen settigen, Sondern volgend ouch vnderstanden, die weltlichen oberkeit vnd sonderlich die Grauen zu Stolberg, Schwarzburg, vnd Honsteyn, sampt ecklichen andern von dem gemeynen Adel yn gemeltem Land zu Dhoringen anzugreiffen, zusahen, zu bestriicken, vnd sie entweder yn iren bund vnd secte zu dringen oder gar zu vertriben. Wie sie dann hre ecklich auß iren eygen Schloßern als nhamlich von Schlotheyim, Ebeleben, Bisfingen, Almenhauser, Sebach, Arnßberg, auff dem Gyzweld vnd andern orten veriaget, vnd sich allenthalben als die vnghehorsamen, vnd offenbare Straf vnd kirchenrewber erzeigt haben, Alles wider ir gethan pflicht vnd eide wider Got Ehr vnd rechte, vnd sonderlich wider die guldin Bulla,

vnd Keyserlicher Maiestat vnd des ganzen heyl^bigen Reiches gemeinen Landtsriden, aus wölches inhalt vnd aus crafft beider rechten sie mit der that, in die acht vnd aber acht eyngesfallen vnd leyb vnd gut verwurckt haben.

Do nu solich ir Gotslesterung, freuel, vnghehorzam, vnchristlich vnd vnmenshlich mißhandlung, durch vilfaltige elag der beleidigten, an den Durchlauchten Hochgebornen Fursten vnd Herren, Hern Obrigen Herzog zu Sachffen Landtgrauen yn Dhoringen, vnd Marggrauen zu Meyssen gelanget, Hat seyn Fürsilich genad, als ein Christlicher Gotsforchtiger vnd Keyserlicher Maiestat vnd des heiligen Römißchen Reiches gehorsamer vnd getrewer Fürste, beherkiget, die grosse not der vertriben, verlagten, gefangen vnd beroubten personen, beider stende der Geistlichen vnd der Weltlichen, Doneben ouch den grossen gewalt vnd freuel der Pawern, vnd zuuorans die vnchristlichen gewlichen schmach vnnnd lesterung Gotes vnd seyner liben heiligen, Vnd sich von stund an aus seynem Fürsilichen hoflager zu Dreyßden erhaben, gen Leyptzick versuget, vnd also eßlich seyner Ritterschafft vnd Manschafft versamelt, Daneben ouch eßliche Fursten vnd Herren, seyner Genaden Dheymen, Ebne vnd Schweger vmb hilff vnd beystand ersucht, die dann seyner F. G. vngewegert auffß furderlichst zugezogen, Vnd von aller örßt der Durchlaucht vnd Hochgeborn Furst vnd Herre, Herr Phillips Landtgraff zu Hessen ic. sampt dem Durchlauchten Hochgeborn Fursten vnd Herren, Herren Heinrichen Herzogen zu Brunschweg ic. am Sontag Cantate nechst verschinen fur Franckenhawsen kommen, Aldo seyn F. G. der Pawern bey acht tawset auff eym hauffen gefunden, mit denen er so bald ein scharmißel desselben tages angefangen, yhn wolchem doch auff beyden teylen [e!] wenig schaden geschehen.

Nach folgenden Montages ist obgemelter Herzog Georig zu Sachffen mit seynem volcke dis orts ouch ankommen, Vnd als die Pawern vermarckt das der ernst vorhanden, haben sie ein stücklichen berge neben Franckenhawsen gelegen, darauff sie dann iren vorteil ersehen, eyngenomen, vnd den Fursten ein briene zugeßriben, nachuolgenden lawtes.

Wir bekennen Jesum Christum.

Wir sint nicht hie yemant was zu thon Joannis am andern, Sonder von wegen Götlicher gerechtikeit, zu erhalten, Wir sint ouch nit hie, von wegen blutvergießung, Wolt ir das ouch thon, so wöllen wir euch nicht zit thon, darnach hab sich ein yeder zu halten.

Nach vorlesung dis briues, Haben die Fursten den Pawern widerumb geschriben vnd geantwurt lawth nachfolgender hedel.

Den brudern von Franckenhawsen
zu handen.

Dieweyl ir euch aus angenomner vntugent vnd vorfurischen lere, ewers felsehers des Ewangelions, vilfaltig wider vnsern erlöher Jesum Christum mit mord, brand, vnd manicherley mißbietung Gotes, vnd sonderlich dem heiligen Hochwirdigen Sacrament vnd ander lesterung erheyget, Daruub sint wir, als die ihenen, denen von Got das schwert beuolhen, hie versamelt, euch darumb als die lesterer Gotes zu straffen. Aber nichts des weniger aus [o²] Christlicher lieb, vnd sonderlich das wir dafür halten, das manich arm man, bößlich darzu versurt, So haben wir bey vns beschloffen. Wue ir vns den falschen Propheten Thomas Monzer sampt seynem anhangen lebendig heraus antwortet, Vnd ir euch in vnser gnad vnd vngnad erget, So wollen wir euch dermassen annehmen, Vnd vns dermassen gegen euch erheygen, das ir dannoch nach gelegenheit der sachen, vnser gnad befinden sollet, begern des ewer eylent antwort.

Do diser brine yn der Pawern versammlung verlesen, hat Thomas Monzer herfur getretten vnd die Pawern gefraget, ob sie das thon, vnd hne yber geben wolten, Haben sie all geschrien Neyn, Neyn, Wir wollen tod vnd lebend bei einander bleyben, Darauff er sie getrost vnd inen verheissen hat, er wolte alle pfeyl vnd geschoss des widertheyls in seyn ermel auff fahen, vnd den veynden wider zu ruck in ir gezeld treyben.

Hie zwuschen haben die Fursten geratschlagt vnd beschloffen, das man die Pawern, dieweyl man mit dem reysigen keug nit an sie kommen möcht, dñstlich mit dem

geschuß aus irem lager treyben, vnd darnach zu roß vnd zu fusse angreyffen wolt.

Als nu die Bawern vermarckt, wie sie auff allen seyten umbringet, Haben sie eyn Edelmann mit namen Caspar von Ruckesleben an dye Furstenn geschickt vnd genad gebetten, Denen die Fursten bey gemeltem irem botten geantwurt, das sie ynen gern gnad erzeigen wolten, aber anderst nit dann lawt des obgemelten ires briues, vnd dz sie ynen Thomas Monzer vor allen dingen lebendig vber antwurten solten.

[d.] Do seynt Graff Wolff von Stolberg sampt eßlichen Edelweyden von den Bawern, zu den Fursten kommen, wölche sie von stund an bestrickt, vnd weyl sie von inen verstanden, das die Bawern den Monzer in keynen weg vber geben wolten, er wurde dann zu vorn vberwunden, Haben sie den Bawern durch der selbigenn bestrickten Edelweyden eynen, mit namen Hansen von Werder zu embotten, dz sie sich in keyn disputation mit inen oder Monzer begeben wolten, Dann es kan ein ißlicher leser abnehmen, dz da von zu disputirn ane not gewest, dieweyl Monzers vnd der Bawren freuel vngheorsam vnd mißhandlung offentlich am tag, vnd die heilig schrift allenthalben clerlich außtrickt, das man die vngheorsamen straffen, vnd ein yede seel der Oberkeit vnderworffen seyn soll.

Diewel dann die Bawern auff irem furnhemem verstoßt, mit iren auffgerichteten fehnlin, vnd gewappenter hand gestanden, vnd sich zur whöre geschickt. Haben die Fursten örftlich das geschuß lassen yn sie gehen, vnd wol getroffen, dadurch die Bawren gedrungen, iren vorteil zu vbergeben, ire ordnung zu trennen, vnd mit flüchtigem fusse der Stat zu zulouffen, Mit wölchen sich der Fursten reysig vnd fueßvolck mit eyngedrungen, vnd also gemelte Stat Franckenhawsen, erobert, Vnd alle so sie darin gefunden vnd sich zur whör gestalt haben, als der Bawren geschworn vnd verbruderte helffer vnd auffhalter, zu todt gestochen vnd erschlagen, sampt den vilgemelten Bawern, deren vber die sechs tausent auff der walstat beliben vnd tod befunden worden.

Nach volendung der schlacht, ist Thomas Monzer

wunderberlich an ein bette zu Franckenhausen gefunden und den Fursten ober antwort worden. Der dann alle sach [d^r] bekant, gros rew vnd leid ober seyn fund gehabt, gebeycht, vnd das heilig Sacrament vnder eyner gestalt nach Christlicher ordnung empfangen, vnd darnach aus Furstlicher gnad vnd nachlassung mit dem schwert gericht worden, so er doch wol ein andern todt vnnnd schwerere straff verdiint hette.

Der gleschen sint auch eglich ander, die gemelten Pawern zu dieser empörung vnd auffrur geraten vnd geholffen haben, irem vordinst nach, ouch mit dem schwert gericht worden.

Nu bedenck ein izlicher frommer Christ bei yhm selber, ob die Pawern vmb ir vnchristliche verhandlung, verstockt gemüt, vnd verhartung in irer bößheit den tod nit wol verschuldet, Vnd ob die Fursten in dem recht, oder vnrecht gethan, das sie das schwert zu straff der bösen vnd schutz der frommen gebraucht haben, dartzu ynen dann Got vngenscheynlich gnad verlihen vnd beygestanden ist, Dann wo solich freuel vbelthat vnd Gotslesterung nit gestrafft, wurde Lewtsch Land gar bald, gar wüßt vnnnd oed werden, vnd feyn from biderman vor solichen buben sicher bleyben mögen.

[f!] Dis alles ist zu vnderricht der warheit zu ewiger gedechtnis dis handels, vnd zu eynem exempel vnd warnung der nachkommenden, damit sie sich vor schaden wissen zuuerhuten, Vnd sich wider ir herschafft so leychtlich nith auffleyhen, gutter Meinung yn truck gegeben, Montags nach dem Sontag Trinitatis, Nach Christi vnser lieben Herrn gepurt, Tawsent funff hundert, vnd im funff vnd hweynzigisten Jaren.

[a¹ 2]

Ein nutzlicher Di-
alogus odder gesprechbuch-
lein zwischen einem Münze-
rischem Schwermer vnd einem
Euangelischem freunen Bau-
ern, Die straff der auffru-
rischen Schwermer zu
Franckenhausen ge-
schlagen, belan-
gende.

Wittenberg.

1525.

[b¹]

Wilff Schwermer. Gutten tag lieber bruder gutten tag. **BAW.** Dank hab mein bruder danck hab, wan her so frue morgen? **SEHWERMER.** Sy ymmer von Franckenhausen herein. **BAW.** Du hast ia ein gefalkens angefsicht vnd einen langen barth, ich halt du seist auch einer von den fluchtigen schwermern, die man gestern do geschlagen, warumb hincdest du? **SEHWERMER.** Ach lieber Bruder schweig still vnd verrath mich nicht, ich bin ya einer, vnd hab woll vierzeihen wunden an meinem leibe, die Reutter haben mich vor todt lassen liegen. **BAW.** Sy man hatt euch schwermern recht gethan, Ihr habts nicht anders wollen haben. **SEHWERMER.** Lieber was sagst du newes, wann kumbst du ybet her? **BAW.** Sy von schlothern das hart bey Mulhausen leidt. **SEHWER.** Ich hoer sagen das herbog Jorg von Sachsen vnd graff Ernst von Manssfelt, sampt einem schreiber vnd hender allein den Münzern peinlich befraget, vnd mit yhm ym abwesen der andern herschafft gehandelt, durch welchs auch der Münzer verursacht das Sacrament vntter einerlei gestalt bewilliget zuempfangen, denn es hat ym der orth nicht anders gedeyen mugen, wer es denn nicht billich gewesen, das mehr Fursten vnd sonderlich der Landtgraff von Hessen, welcher doch der schriftt gegründet

ist, auch dazu gefordert weren? **BAW.** Lieber do sechst du sein bestendigkeit, vnd spurest seinen glawben, vnd wie yn sein teuffelscher geist seins gefallen betrogen hat, das er auch das heilig Euangelion aller vier Euangelisten verleugnet hat, denn es ist ynn ym [b²] kein fundament des glawbens gewesen, wie denn auch leider ynn euch schwerer allen ist. **SGWC.** Nu wolan ist das auch erlich von den Fursten vnd Herren, das sie vns drey stunde zu bedenden frist gaben, vnd doch nicht ein virteil stunde glawben hielten, Sonder also halbt sie den Grafen von Stolberg mit etlichen vom Adell von vns zu sich brachten, do lieffen sie das geschütz ynn vns gehen, vnd griffen vns also halbt an. **BAW.** Lieber schwerer, ich gebß wol zu das du es sagest, vnd weist villeicht nicht anders, Aber es helt sich vill anders denn du sagest. **SGW.** Wie hat es denn zugangen? **BAW.** Das wil ich dir sagen, es hatt die gestalt, der loblich, Christlich Furst Herzog Henrich von Brunschweig auff anregen des Christlichen Grauen Albrechts von Manssfelt, welche yr doch fur blutdürstig acht, die furwar fur solche blutnergiffung hochlichen, wie yr denn aus der schrift Grauen Albrechts von Manssfelt ic. vernomen, gesorget, vnd gern aus Christlichem genueth verkummen hetten, der hat ein schrift an euch yns lager gethan, ynn welcher er begert yr wollet den Månger odder ewer hauptleut heraus geben so solt yr zu genaden genomen werden, Aber yhr habt ym seinen bothen als eigenünige verstockte leuth ynn schwerer erbarmlich erwurget, vnd den bluttigen briefß von yme genommen vnd ewerer etlich als die Capitaner gelesen, vnd solchs seinen Fürstlichen guaden abgeschlagen, als aber ewer blintheit vnd hertmutigkeit vermerckt, seit yr als halbt wie billich angegriffen, Denn yr habt es nicht anders, sondern ewrn verdieneten lon, wie denn der euch gegeben, wollen haben ic.



[Faint, illegible text, likely bleed-through from the reverse side of the page.]